



«24» 01 2024 թ.
№ ՊԱՆ-ԳԿԳ-44

«Արեն Էվոյան Մետրոպի» ԱԶ-ի (ՀՎՀՀ 66933595)
տնօրեն Ա. Էվոյանին
հասցե՝ ՀՀ, ԼՄ, ք.Վանաձոր, Դպրոցի փ. 26
էլ. հասցե՝ aren.evoyan@mail.ru
հեռ. 093 13 52 26

ՀՀ պաշտպանության նախարարության և «Արեն Էվոյան Մետրոպի» ԱԶ-ի միջև 18.07.2023թ. կնքված N ԳՀԱՊԶԲ-23-22/8-1 գնման պայմանագրի (այսուհետև՝ Պայմանագիր) շրջանակներում «Արեն Էվոյան Մետրոպի» ԱԶ-ն 2023թ. 3-րդ եռամսյակում պետք է մատակարարեր ընդհանուր 1000 հատ Պաշտպանիչ հատուկ ակնոցներ (պաշտպանիչ ակնոցներ): Սակայն, «Արեն Էվոյան Մետրոպի» ԱԶ-ն վերոհիշյալ ապրանքները մատակարարել է 13.11.2023թ.-ին, որոնք չեն համապատասխանել Պայմանագրով սահմանված տեխնիկական բնութագրի պահանջներին:


Հիմք ընդունելով Պայմանագրի 2.1.7.1 կետի «ա» ենթակետը (մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում) և «բ» ենթակետը (ապրանքի մատակարարման ժամկետները խախտվել են 20 օրից ավելի)՝ ՀՀ պաշտպանության նախարարությունը 2024թ. հունվարի 24-ին, միակողմանի ամբողջությամբ, լուծել է վերոնշյալ Պայմանագիրը:

Տեղեկացնում եմ, որ «Արեն Էվոյան Մետրոպի» ԱԶ-ն պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական **900005028106** հաշվեհամարին փոխանցել **279 000** ՀՀ դրամ՝ որպես տույժ (Պայմանագրի 6.2 կետի համաձայն), որը հաշվարկված է մինչև 13.11.2023թ. ներառյալ և **90 000** ՀՀ դրամ՝ որպես տուգանք (Պայմանագրի 6.3 կետի համաձայն):

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Հաշվի առնելով վերոգրյալը՝ տեղեկացնում եմ, որ Պայմանագրի միակողմանի լուծման արդյունքում պայմանագրի ապահովման գումարը կազմում է 3 900 000 ՀՀ դրամ, որն անհրաժեշտ է փոխանցել ՀՀ ֆինանսների նախարարության կողմից բացված գանձապետական 900005000758 հաշվեհամարին, իսկ որակավորման ապահովման գումարը կազմում է 5 850 000 ՀՀ դրամ, որն անհրաժեշտ է փոխանցել ՀՀ ֆինանսների նախարարության կողմից բացված գանձապետական 900008000664 հաշվեհամարին:

Ընդ որում, Պայմանագրի միակողմանի լուծման արդյունքում, պայմանագրի և որակավորման ապահովման գումարները մինչև 02.02.2024թ. ներառյալ, Ձեր կողմից վճարվելու դեպքում՝ «Արեն Էվոյան Մետրոպի» ԱԶ-ն չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված գումարներն անհրաժեշտ է վճարել Կենտրոնական գանձապետարանում լիազորված մարմնի անվամբ բացված վերը նշված գանձապետական հաշիվներին և վճարված կտրոնների բնօրինակները մինչև 02.02.2024թ. ներառյալ ներկայացնել ՀՀ ՊՆ գնումների կազմակերպման վարչություն, 2072 սենյակ:



Կ. ԲՐՈՒՏՅԱՆ